

Sarajevo, 16.04.2009. godine
Broj: 170/09

ZAPISNIK I ZAKLJUČCI
SA SJEDNICE PREDSJEDNIŠTVA
SAVEZA OPĆINA I GRADOVA F BiH

U Neumu je dana **16.04.2009.** godine održana Petnaesta sjednica Predsjedništva Skupštine Saveza općina i gradova Federacije Bosne i Hercegovine (u daljem tekstu: Savez).

Sjednici Predsjedništva Saveza prisustvovalo je 11 članova, i to:

1. **G-din Ljubo Bešlić**, Gradonačelnik, Grad Mostar,
2. **G-din Hasan Ajkunić**, načelnik, Općina Bugojno,
3. **G-đa Smiljana Viteškić**, Općina Ilidža (po ovlaštenju načelnika),
4. **G-din Rasim Omerović**, načelnik, Općina Kalesija,
5. **G-din Fadil Tatar**, Općina Konjic, (po ovlaštenju načelnika),
6. **G-din Petar Polić**, načelnik, Općina Posušje,
7. **G-din Hakija Osmić**, načelnik, Općina Zavidovići,
8. **G-din Ivan Vukadin**, načelnik Općina Tomislavgrad,
9. **G-din Vlado Alilović**, načelnik Općina Vitez,
10. **G-đa Dragana Solaković**, Grad Sarajevo (po ovlaštenju Gradonačelnika) i
11. **G-din Muris Ajanović**, Općina Goražde (po ovlaštenju načelnika).

Pored gore navedenih, sjednici su prisustvovali i: g-din **Predrag Šupljeglav**, načelnik odjela za organizaciju, pravne poslove i opću upravu, Grad Mostar, g-din **Hajrudin Katardžić**, sekretar Općine Zavidovići, g-din **Fadil Imiširović**, načelnik Općine Gradačac, g-din **Mato Zovko**, zamjenik predsjedavajućeg Skupštine Saveza, g-đa **Vesna Travljanin**, Sekretar Saveza, g-đa **Zlata Turkić**, viši saradnik za rad sa skupštinskim komisijama i institucijama vlasti, g-din **Amir Kuposija**, suradnik za odnose s javnošću, g-din **Edin Demirović**, stručni saradnik za lokalnu samoupravu i g-đa **Selma Fišek**, pripravnica.

G-din Bešlić otvara sjednicu u 10:40, pozdravlja sve prisutne i predlaže dopunu Dnevnog reda tako da se prije tačke 2. (Protokol Skupštine Saveza) u Dnevni red uvrsti nova tačka - Izmjene i dopune Statuta Saveza.

Izmijenjeni Dnevni red je jednoglasno usvojen.

1. Zapisnik i zaključci sa Četrnaeste sjednice Predsjedništva Skupštine Saveza općina i gradova Federacije BiH

Zapisnik je jednoglasno usvojen.

1.B Izmjene i dopune Statuta Saveza

G-din Bešlić u okviru tačke - Izmjene i dopune Statuta Saveza predlaže da Predsjedništvo Saveza broji petnaest članova i to tako što će po jedan član dolaziti iz svakog od kantona, jedan iz Grada Sarajeva, jedan iz Grada Mostara, te da se predsjednik i dva zamjenika predsjednika biraju izravno na Skupštini.

G-đa Solaković smatra da to treba konkretizirati u Odluci o izmjenama i dopunama Statuta Saveza jer se u toj odluci uopšte ne spominje član 24. Statuta koji govori o broju članova Predsjedništva. Načelno se slaže sa prijedlogom g-dina Bešlića i smatra da je dobro da se predsjednik i zamjenik predsjednika biraju na samoj Skupštini.

G-din Rasim Omerović naglašava da se treba voditi računa o Tuzlanskom kantonu koji ima najveći broj općina i najveći broj stanovnika, te da bi u skladu s tim u Predsjedništvo Saveza ispred Tuzlanskog kantona trebala ući dva člana.

G-din Ajkunić predlaže da Predsjedništvo ne otvara raspravu o broju članova Predsjedništva, nego da se prepusti svima koji žele amandmanski djelovati da to učine na Skupštini.

G-din Bešlić se slaže sa ovim prijedlogom.

Jednoglasno se usvaja neizmijenjen Prijedlog Odluke o izmjenama i dopunama Statuta Saveza koji se nalazi u Dnevnom redu za sjednicu Skupštine.

2. Protokol Skupštine Saveza

a) Izbor članova Radnog Predsjedništva

G-đa Travljanin konstatuje da je u skladu sa Zaključkom Predsjedništva Stručna služba Saveza bila zadužena da pripremi prijedloge za članove Radnog predsjedništva i članove Verifikacione komisije za sjednicu Skupštine, te u skladu s tim predlaže slijedeće članove Radnog predsjedništva: g-din Ljubo Bešlić, g-din Hasan Ajkunić i g-din Mato Zovko.

Ovaj prijedlog je jednoglasno usvojen.

b) Izbor članova Verifikacione Komisije

Za članove Verifikacione komisije, g-đa Travljanin predlaže: g-đa Anka Papak-Dodig za Predsjednicu Verifikacione komisije, g-dina Ivana Vukadina i g-dina Fuada Šišića za članove.

Ovaj Prijedlog je jednoglasno usvojen.

3. Utvrđivanje listi kandidata za organe i tijela Saveza

1. Odluka o izboru predsjedavajućeg Skupštine i zamjenika predsjedavajućeg Skupštine Saveza općina i gradova Federacije Bosne i Hercegovine.

G-din Bešlić izvještava da je za Predsjedavajućeg Skupštine Saveza predložen g-din Ivo Jerkić, a za zamjenika Predsjedavajućeg Skupštine g-din Dževad Bećirević.

Ovaj Prijedlog Odluke je jednoglasno usvojen.

2. Odluka o izboru predsjednika, zamjenika predsjednika i članova Predsjedništva Skupštine Saveza općina i gradova Federacije Bosne i Hercegovine

G-din Bešlić izvještava Predsjedništvo da su za predsjednika Predsjedništva predloženi g-din Husejin Smajlović g-din Rasim Omerović.

G-din Imširović predlaže da se Predsjedništvo prema Skupštini očituje sa jednim kandidatom za predsjednika Predsjedništva.

G-din Bešlić insistira da Tuzlanski kanton da prijedlog za člana Predsjedništva, kao što su to uradili svi kantoni i predlaže da načelnik Općine Kalesija, g-din Rasim Omerović bude kandidat za člana Predsjedništva Skupštine Saveza iz Tuzlanskog kantona. G-din Bešlić takođe smatra da zbog rejtinga samog Saveza kandidat za člana Predsjedništva treba da bude načelnik Općine Zenica.

G-din Omerović smatra da riječ rejting ne stoji i da veličina općine ne treba imati uticaja na izbor za predsjednika Predsjedništva Skupštine Saveza.

G-din Bešlić pojašnjava da će prijedlog kandidata, g-dina Husejina Smajlovića za predsjednika Predsjedništva Skupštine Saveza imati bolji psihološki efekat iz razloga što g-dina Smajlovića poznaje veliki broj zastupnika u Parlamentu Federacije BiH, što je od značaja kod donošenja zakona. G-din Bešlić dalje ističe da je g-din Rasim Omerović bio veoma aktivan član Predsjedništva Skupštine Saveza.

G-din Omerović odgovara da Općina Kalesija ima tri zastupnika u Parlamentu Federacije BiH, dok Općina Zenica ima dva.

G-din Ajkunić se uključuje u raspravu i predlaže da Predsjedništvo na Skupštinu ide sa dva kandidata za predsjednika Predsjedništva, jer će na samoj Skupštini možda biti još kandidata.

G-din Imširović naglašava da g-dinu Ljubi Bešliću pripadaju sve čestitke za razvoj Saveza u posljednje dvije godine i da bi zbog kontinuiteta bilo dobro da ga naslijedi neko iz sadašnjeg saziva Predsjedništva.

G-din Bešlić poziva na izjašnjavanje da se Predsjedništvo odluči ko je za to da se ide sa jednim prijedlogom za predsjednika Predsjedništva, a ko je za to da se ide sa dva kandidata?

Sedam glasova je za prvi prijedlog: g-din Ljubo Bešlić, g-đa Smiljana Viteškić, g-din Rasim Omerović, g-din Fadil Tatar, g-din Petar Polić, g-din Ivan Vukadin i g-din Muris Ajanović, tri su za drugi prijedlog: g-din Hasan Ajkunić, g-din Hakija Osmić i g-din Vlado Alilović, dok je jedan suzdržan (g-đa Dragana Solaković).

G-din Bešlić konstatuje da je usvojen prijedlog da se na Skupštinu ide sa jednim kandidatom za predsjednika Predsjedništva Skupštine Saveza.

G-din Tatar postavlja pitanje da li ovo znači da članovi Predsjedništva ne mogu amandmanski djelovati na Skupštini?

G-din Bešlić odgovara da na Skupštini svi mogu amandmanski djelovati.

G-din Šupljeglav se javlja za riječ i ističe da Statut Saveza općina i gradova Federacije BiH propisuje da Predsjedništvo Skupštini predlaže predsjednika i zamjenika predsjednika Predsjedništva.

G-din Bešlić stavlja na glasanje prijedloge kandidata za predsjednika Predsjedništva Saveza, i to, g-dina Husejina Smajlovića i g-dina Rasima Omerovića.

Kandidat, g-din Smajlović dobio je osam glasova: g-din Ljubo Bešlić, g-đa Smiljana Viteškić, g-din Petar Polić, g-din Ivan Vukadin, g-din Muris Ajanović, g-din Vlado Alilović, g-đa Dragana Solaković i g-din Hakija Osmić, dok je kandidat g-din Omerović dobio tri glasa članova Predsjedništva: g-din Hasan Ajkunić, g-din Fadil Tatar i g-din Rasim Omerović.

G-din Bešlić konstatuje da je Predsjedništvo većinom glasova usvojilo da Husejin Smajlović bude prijedlog za novog predsjednika Predsjedništva Saveza.

Predsjedništvo je usvojilo prijedlog kandidata g-dina Husejina Smajlovića za predsjednika Predsjedništva Saveza, te da se isti stavi u daljnju proceduru.

G-din Bešlić obavještava Predsjedništvo da je za zamjenika predsjednika Predsjedništva predložen g-din Vlado Alilović.

Prijedlog je jednoglasno usvojen.

G-din Bešlić izvještava prisutne da su za članove Predsjedništva Skupštine Saveza predloženi slijedeći kandidati: g-din Alija Behmen, g-din Amer Čenanović, g-din Hakija Osmić, g-din Miro Kraljević, g-din Luka Jurić, g-din Ermin Hajder, g-din Muhamed Ramović, g-din Rasim Omerović, g-din Hasan Ajkunić, g-din Salem Dedić i g-din Luka Čelan.

Prijedlog je jednoglasno usvojen.

3. Odluka o izboru predsjednika i članova Nadzornog odbora Saveza općina i gradova Federacije Bosne i Hercegovine

G-din Bešlić stavlja na glasanje ovu odluku i to sa imenima predloženih kandidata kako slijedi: g-din Damir Hadžić za predsjednika Nadzornog odbora te g-din Fuad Imamović i g-din Osman Čehajić za članove Nadzornog odbora Saveza općina i gradova FBiH.

Prijedlog Odluke je jednoglasno usvojen.

4. Odluka o imenovanju osoba ovlaštenih za zastupanje i predstavljanje Saveza općina i gradova Federacije Bosne i Hercegovine

G-din Bešlić stavlja na glasanje Odluku prema kojoj su predsjednik Predsjedništva Skupštine Saveza i Direktor Saveza osobe ovlaštene za zastupanje i predstavljanje Saveza.

Prijedlog Odluke je jednoglasno usvojen.

5. Odluka o obrazovanju Komisije za razvoj i unapređenje lokalne samouprave

6. Odluka o obrazovanju Komisije za ustavna i zakonodavna pitanja

7. Odluka o obrazovanju Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša

8. Odluka o obrazovanju Komisije za međunarodne veze, saradnju i evropske integracije

9. Odluka o obrazovanju Komisije za ekonomski razvoj općina i gradova i finansije

10. Odluka o obrazovanju Komisije za izbor i imenovanja

G-din Bešlić stavlja na glasanje komplet Odluka o obrazovanju skupštinskih komisija Saveza, uz napomenu da se u ove odluke do početka sjednice Skupštine Saveza ubace i imena predloženih kandidata u Komisije Saveza iz Hercegovačko-neretvanskog kantona, koji su dostavljeni Stručnoj službi Saveza na sam dan održavanja sjednica Predsjedništva i Skupštine Saveza (16.04.2009. godine).

Prijedlozi Odluka (Redni brojevi 5., 6., 7., 8., 9. i 10.) su jednoglasno usvojene.

4. Tekuća pitanja

G-din Zovko postavlja pitanje u vezi sa protokolom oko prijema Općine Ravno u Savez općina i gradova F BiH.

Zaključeno je da prijem Općine Ravno bude prva tačka Dnevog reda Skupštine Saveza, kako bi predstavnik Općine Ravno mogao ravnopravno učestvovati u radu Skupštine Saveza.

G-đa Travljanin upoznaje prisutne da sjednica Izborne Skupštine Saveza počinje u 14:00 sati, te da će se sutra (17.04.2009. godine), održati tematska sjednica na temu «Jedinice lokalne samouprave Federacije Bosne i Hercegovine u procesu EU integracija», na koju su svoj dolazak prijavili brojni učesnici.

G-din Bešlić zaključuje Petnaestu i ujedno posljednju sjednicu Predsjedništva Saveza u ovom sazivu i izražava uvjerenje da će i novi saziv Predsjedništva ostvariti uspješne rezultate u svom radu.

Predsjednik Predsjedništva
Ljubo Bešlić

Zapisničar
Selma Fišek